


T5466/2478(1)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940



古者不得已而後有言道
菁華筆於書啓牖後世非徒期於不朽
也巧文麗辭極其工亦足驚炫耳目然
無裨於身心而適以害道立言者弗貴
已宿遷徐魯南先生蘄志於古之立言
者也奉座主安溪先生為依歸沉潛篤
寔好學而精湛於思性孤介非其人
不語惟晤對朋輩誘進後生則心形引

道
德
佛
之
大
學
堂
藏
書
印

三美堂集 附序
心證據今古上下其議論媿々然日夜
不知勸子朱子稱河汾慳惻而有條理
殆庶幾焉其為詩也用意深邃調古光
淵古文雜體屏斥浮蹶一歸樸雅蓋以
道德為立言之本雖單辭片語鮮有不
根而無實者然未嘗汲々以立言自標
也故著作富有大都散在篋笥既歿後
令子念詒及門族子楓亭周子汝峯相

與蒐而輯之折衷名流汰存其半次為
二十六卷楓亭復欲獨力開雕以督學
山左未遑嗣出守雲南卓薦來都迺捐
奉果其事屬汝峯拔刊而請序於余々
憶與魯南同登第同事館閣同親炙安
溪先生魯南齒宿望隆推為執友自己
丑迄於戊戌情好日密而魯南竟罷官
去講學圭美堂不共晨夕者垂二十年

上御極之初魯南蒙

召命超補侍讀余亦起在九列從容退食
握手話平生魯南逾大耋精力益矍鑠
脩能益懋名山之業益夥未幾引年去
即乘箕尾余悼惜恒不自止今讀圭美
堂集其性情風範口畫手指者粲然在
目殆不啻疇昔之晤對魯南焉集中所
收謹嚴深有合於古之立言者之微意

風範口畫手指皆宛如晤語時集中所
收甚嚴深合古立言者之微意是魯南
不僅藉此不朽而此固堪不朽也楓亭
既還任汝峯董校刊將告歲事爰脫稿
貽之俾弁諸簡以誌夫世之願闕圭美
堂集者長白年眷弟阿克敦拜譔

圭美堂者魯南徐先生讀書講學之堂也先生居宿
遷在魯之南故自稱魯南其族子楓亭及周君汝峯
從學以且專先生歿二君哀先生詩文輯而編之楓
亭守雲南屬汝峯校刊以廣其傳先生嗣君致書委
鉉共商推且請序焉先生與吾師蔡文勤公同出安
溪李文貞公門文勤公嘗言服膺安溪最篤心體而
躬蹈之者蝶園徐公江陰楊公及先生也鉉昔以庶
常假歸過宿遷拜見先生於圭美堂時先生罷官里
居蕭然不聞外事獨接引後進剖析義理間及詩文

書法津津有餘味焉

今上即位首起楊公於雲南先生與鉉亦先後蒙

召命當是時蝶園徐公年八十餘矣以舊臣復叙用先生年亦八十矍鑠如壯年人鉉以晚進末學追隨蝶園江陰二公同事

禁廷退而親炙先生得遂二十年仰止之私懷而龐眉皓首碩德重望咸布班列何其盛也先生曰我朝重熙累洽吾得扶杖以觀德化之成耳豈堪久陪侍從哉

天子垂念其老遂得引年而歸先生之學一以安溪為宗天人性命之精微以及兵農禮樂之經緯所聞於文貞公者皆已筆之於書不復自見諸著作其自持嚴憇凡詩歌序論書牘雜著碑版之文無苟就者二君汲汲於圭莖堂集欲使天下共探先生之學所從來其其人其文之不可磨滅思深哉匪獨不忘其師已也鉉何人烏足為先生序顧自念生平幸從先生長者遊今皆不可得見矣爰藉是以識之寧化後學雷鉉拜撰

卷四

詩 五言律

卷五

詩 五言律

卷六

詩 七言律

卷七

詩 七言律

卷八

詩 七言律

卷九

詩 五言排律 七言排律

卷十

詩 五言絕句 七言絕句

卷十一

序一

卷十二

序二

卷十三

傳 逸事

卷十四

記 碑文 碑銘

卷十五

墓志銘 墓表 行狀

卷十六

書

卷十七

雜著

卷十八

詩說

卷十九

字學劄記上

卷二十

字學劄記下

卷二十一

跋一

卷二十二

跋二

卷二十三

書後

卷二十四

祝文 祭文

卷二十五

引約 呈詞

卷二十六

賦 銘

右圭美堂集二十六卷吾師下相先生

手著也先生遊安溪李文貞公門淵懿

純粹學見本原其傳習心得者富有篋

記公諸海內所自為詩古文詞不急入

知而名也憶崙與楓亭太史同侍函丈

請薈粹成編不許世講鈍園覓胥鈔又

不許泊先生騎箕後共蒐篋衍獲亭州

如干猶懇別擇不審重違先生志迺商

三才堂集
卷之六
之先生高弟李少宗伯穆亭先生未卒
業宗伯謝世嗣得張君冰璜厲君太鴻
刪存十之五六銀臺雷翠庭先生復覈
訂次第之稱完帙矣會楓亭由滇入

覲議鋟版於京邸歸損俸錢屬崙以校勘之
役閱數月工甫竣竊念先生著作信足
傳世而行遠崙錄錄鈍根追隨二十餘
年之久於墻仞萬一未闕凜典型之宛
在悵歲月之遞更躊躇三復悚然慙然

至知識所限或致亥豕之譌則臯尤不
可道焉乾隆戊辰夏受業周毓崙謹識

圭美堂集卷一

詩 五言古

庚午季秋偕吳季舒尋菊憩觀音閣歸而有作

酬應不適用閒行偕所歡出郭到村舍秋色滿籬端迴
從顏色外皎如玉露溥主賓忘姓字瀟灑成盤桓循堤
臨野水落日銜遠巒疎柳墟烟上居人風景寒忽見雲
際鳥搏擊迅其翰攜手過橋去野寺愜躋攀空堂足小
憩聞寂無往還幽嘿意有得聞見心無關歸休坐吾廬
月光几案間暗芳時相襲樽酒興難刪既醉為長吟自

積學齋徐乃昌感書

哈佛大學漢和
圖書館珍藏印

得非塵寰

哭姊四十韻

文官果花落盈盈積如雪隨風散復聚終與故枝別昨
聞吾姊病詎期遂長訣哀哀鮮民苦痛此腸百結自昔
失恃時吾年方四閱伯兄就蒙師出入無常節汝長吾
四年提攜吾蹙躄熒熒不知愁觀者泣為啜雨餘采石
戲撮土假藥設四聲韻分調千家詩互揭吾父乘醉歸
角立試誰傑汝實性聰慧朗朗吾父悅三年繼母至汝
遂嬉戲絕中饋短臂親釜紅兩肘熟鞞線時自縫空堂

孤燈閉惟稱母也慈彌縫備曲折未幾適張門室家樂
弗輟薦荒熟凍餒劬勞艱莫說吾父患喘急相對汝幽
咽慷慨顛穹蒼割股恐或泄中庭月慘黃藥鎗沸腥血
昊天終無情徒使爾性滅高堂兩莫依同氣忍相忽汝
家嗣析產村居生事拙終歲無刈獲長日莫舖啜關心
舅姑衰饘粥盡瑣屑減食慰兒啼抽綿為壻褻補綻徧
大小饑寒一身切我常過省視兒女兩行列計將成婚
嫁桑榆樂更迭不謂棠棣榮狂飈忽摧折汝家無上下
長號雲霄徹賢聲浹閭巷聞者泣倉卒纍纍視諸雛嘻

三才集卷一
一
嘻猥衰經羣然呼阿舅如吾幼孤子彼頑則長年貞淑
偏顛蹶常疑茶反甘汝境真一轍同母吾三人何當一
中缺淒涼今殯辰胡忍臨其穴閉門作哀吟哀吾命蹇
劣

卓氏忠烈遺事詩

通經以致用所貴荒年穀往者金川禍揖讓拯回祿無
術九鼎移坐令十族哭磊磊卓侍郎汶汶先秉燭同燼
混頭焦失算輕突曲仁者宅鼎鑊初何與讒禿誰云能
造命厥後帝所錄十世見聞孫衆芳聯卷軸顆顆丹篆

文歷歷青史目提戈並揮翰各不貽祖辱豈期鶴歸晚
正值馬化促八口共一井碧血飛霜電又傳海東魂叫
閻使命復公私議僉同忠貞果世篤平生厭藻飾蕪詞
緇高屋豈比報國誠竟為傳家鵠吾友許結隣竊欲移
鄉塾

送喬無功省覲南歸

我適邗江來綵翠爭衢路魚龍何幻出高齋迷舊處前
年坐迴廊天香隱日暮銀鈎錯金薤珊瑚交碧樹自君
騫雲翮疵賤猶道故鈍駮誰參尋訂會每勞豫委蛇鷄

鷺行婉變琴書趣客裏依如歸深情不我顧鳳遺清池
輝烏戀庭柯哺羣鷺九萬程獨殷五十慕悠悠濯長纓
心難寫毫素有懷焉自聊無計挽君住潞河水淫淫時
雨傾盆注隨地有驚波臨流慎輕渡

送家霖蒼倅汝寧

古樹久連理誰復知異身酌水有至味不必醪醴醇憶
昔執鞭始轍迷下風塵東海無分流南枝托共根君時
未及壯冰玉映高門斷金薊邱道掉鞅潞河濱騎驢擺
滑滑濯足貯粼粼善謔屈滿座野飲困狂賓爭馳無乏

足得意愛前屯人事焉可定長飈割重雲君為出籠鳥
我困陷笏鱗隨宦念飄蕩半刺豁輪囷方欣展騏驎不
憂老我昆孰知風木感又踏京華春竭來得佳郡狂倒
快初聞汝水肥米脂嵩山足松薪魴鱖溢陂塘楊柳夾
岍津人情中土厚風物江南親聲聞可四達常得道里
均况復屬閒曹責輕望亦分潛身事回幹何地非慈仁
是非不到處可以安吟魂東風捏前旌草色動征輪王
程自有期無計贈行人交情非市道勿念我賤貧中腸
結有屬送子以心神

安溪先生晚憩限韻

五雲閣曉日虛牖耿微明
頌歌疎雨過屋瓦琤然鳴
先生調元暇高館秋思生
劇譚書共把拂素茗同傾
塵勞斲一洗物外有餘清
盆魚亦知樂庭花為誰榮
綿邈江湖心束帶苦營營
一發甘澤謠喟焉耦而耕

新火和京江先生韻

禁烟冷欲絕韶光開令序
木德啟重黎陽燧方具舉
已曾送餘寒尚未逼炎暑
故事檢遺文綸閣傳溫語
緬窺變理心示我前修矩
用汝調梅羹幸可分藜炬
東風靜

野燒春社思雞黍
雕胡起輕烟蘆筍供雜茹
和煦盎鈞陶陰陽自得所
敢忘爇火微仰照吟儔侶

蔡絜齋水部於慈仁廟市購得戴滄洲畫竹卷前
後有王孟津題識重裝索題

白日到幽厓懸泉落叢篠
常疑風雨聲磅礴瀟湘小
想當下筆時氣全心無擾
滄洲劇有作孟津題其表
何時風塵翳敗楮烈日燭
市僧自不省觀者萬草草
蔡侯目賈胡薄錘獲至寶
我來三歎息所貴眸子瞭
蒙茸砂石中豈乏揀珠好
萬事須自足寧患終潦倒
惜哉兩尚書

聲華徒窈窕君看尺幅中勁節霜天曉

戊子夏日移新寓掃除書室與諸子勵志讀書漫

賦依韓吏部薦士篇原韻

驟雨驅炎威戎衣頽大誥暑勢驕莫回早覺寒颼到部
署入藝林渙汗其大號南薰塵盡祛北牕涼先導情高
爰蓮說香遠幽蘭操而我懷舊居滋榮謝枯耗湫隘氣
不舒暗室窺窳窳髯公鄰好去謂張仁趾八達添聒噪
既無刺姦官孰免胠篋盜改儼不再謀如避水火蹈高
堂清且深火行失其暴開閣文字飲賦詩探靈隩宗工

坐主席深叢兀雄鷲啁啾學成音間亦出婉好巨手掉
勁鞅輕僂恣橫鼻機流勢俱下千峰瀉秋潦任爾玉屑
霏伊誰瓊琚報氣餒堅瑕攻智迷增減竈我力竭喘汗
廢然坐昏眊豈如理舊業不慢亦不躁古來稱睿聖豈
不在耄耄炳燭既未晚日月那容冒後生勵如今莫以
年富傲老大足傷悲小子貴有造昂然七尺身恐媿覆
且燾去日如去波懲予空自悼新屋入秋涼暉暉明素
縞先寒預繭絲免以無衣告酸洩感疾首悽風欺破帽
孜孜向簡編短檠堪媿嫫脩德薦明神蘋蘩亦可芼一

簣進為山齊楚臨邛部有頑他山石足攻盈尺瑁紛紛
盛鳥蛇須視元戎燾先覺卓延平仰止慰久禱豈有威
鳳穴猥出凡鳥菴豈有神龍居僅通一勺漕空手寶山
回後時何及懊力張千鈞弩不用十牛犒功成知不負
默默天所勞

中元後一日小集芙蓉秋水軒觀荷分韻得支字
殘暑殫殘葛塵鞅煩莫支步屨到涼軒好風叶心期綠
天三間屋紅衣五畝池有懷幽氣接無語清香知小堰
繚斜照夕嵐入深巖踈柳漫成陰閒雲有餘姿邈然物

外遊淺言不及私吟風有真樂明月詎曾虧

賦得雲無心以出岫鳥倦飛而知還

入林恐不深趨榮驚不止達者自超然去來焉有倚溶
溶滿東嶽非為南畝起暮林何翩翩天路長無比在昔
陶淵明方仕忽遄已詎忘三徑資莫禁五斗耻閒雲不
作霖短翮辭萬里動息自有時澹蕩固如此

咏墻隅新種小竹用杜集贈韋左丞韻

出門懷有功恐負百年身苟非同志者胡然逝我陳自
從客東閣粗知安形神樗櫟雖不材芝蘭幸與親虔循

桐子命敢云王翰隣後軒闢講堂本欲鑿池津計工亦
重費即事朴且淳土砌羅雜花瓦鉢貯清淪雨洗樹庭
綠風送草窻春尚嬾君公隅時起元規塵榻來賣花翁
荷蓀亦苦辛解擔植且澆汨沒一朝伸已能亞荷蓋漸
可傲松鱗下食肉果俗置榻嬾誠真况復江漢客纔去
河陽新時安溪先生仲弟安卿先生以嘉魚令報最入京候補部司名雖御屏艷風
仍兩袖貧棠蔭原思召桃源不計秦矧切峨嵋老夜雨
遲潁濱銘勲端付爾把臂致為臣不知六逸末可許弟

子馴

己丑榜後送綺園下第歸

君向遊天都尚未舉鄉賓志已出層霄身詎染半塵豈
不果幽諾山靈不爾親羣鶴舞長風雙龍走祥雲送子
上皇路而作觀光人於今已八載三帳京華春茲行尤
簡淡齒晚德彌新不疑衆有司不怪新郎君歛詞氣色
靜刊華沃其根杲日上客衣羸騎扶雙輪告我將潛跡
逝與擾龍馴吾雅把蔓茅不須問靈芬氣專而容寂揚
聲券蘊真齊翺將利器乖厓方救焚直麻本性得隕瓜
自天申鴈塔有級次如子豈沈淪謂予言不信寄語黃

山神

新會梁貞女

人生本純粹大義無古今不虧父母體乃見天地心烈
烈梁家女綱常固其任自矜紫玉貴誰畏黃巾侵決裂
委形骸凶暴反沈吟同驅親與故叮囑語悵悵哀哀恩
未報高堂知我忱天風駕洪濤白日慘陰森赴此得其
安浩蕩起雷音一朝等萬古魚腹孰求尋蛟龍不敢伍
湧出碧海潄花容照蘭湖香骨出桂林而我聞英風清
霜栗寒襟旌揚應典禮條格何商參哀歌為感激淚下

散秋霖

文安王孝子詩

天風集流雲枯木有遺炷我聞王孝子英聲落韶濩伊
昔官政苛猛虎驅黎庶家家有化離孝子獨孺慕當其
父去時孝子方在乳就塾有觸問欲往不可忤首端母
譬止對母揮章句移家就八達開設餅湯舖所餘市布
縷日為鞵履具審視往來人往往相贈付父貌與鄉貫
深心托密語十載眇茫茫八紘知何處一朝拜堂下新
婦供掃除父已無家別兒亦新婚去燕趙徧魯齊傭乞

覓音素形似多參差堅忍甘錯互自分難生歸數年徒
瞻注路或過里門垂涕潛身度累日幸一餐及盥無完
袴目凝睫不交趺穿骨已露無人仰天呼向夜詣神訴
荒林古墟宿豺狼為呵護血淚迸天荒魂魄墮烟霧迴
向東海東風濤搖天瞽舟航皆斷絕去來迷沿泝孤島
狗礁嶢名以田侯署岍旁小荒祠假息暫不寤瞥然入
寶地逢僧莎米哺其時日正午肉湑重相啣莊周幻我
形君平俟我著一老響然臻求占細箋疏許以父子會
發覆似有據事窮來鬼神誠竭有智慮翩然西南征洛

漳一葦渡洪流漾釣竿嵩雲劈晴絮相望堯夫廬難得
壽昌遇天寒遠人村飛雪無烟戍空乏那投宿老寺門
阿住仰睇夢覺額疇語或神助風威不相舍齒擊達天
曙開門有僧雛訊延如夙晤愍勞陳籍里高座起長吁
典厨者同鄉盍喚相噓喚至問父姓名告之為驚顧無
乃小字某孝子言不誤相持盡一哀移時蘇昏仆遂令
異教人亦與促歸路白日破蒼烟寒山靜遠樹烏鳴殿
角深雀噪村邊暮相將還家園驚看萬擁聚姑婦羅酒
漿親隣趨如鶩頃刻喧都邑四極溢稱譽色養二十年

四世孫猶覩村謳競為誇吳歛漫相附巨榜煥天章達
官不索賂至今孝子名永為王家布雲仍天所酬純氣
覺彌固源深流自長冠蓋慶永祚爾來三百年津津美
無數巨公走毫翰名章似花雨薄材迫天良喘汗強奔
赴緬思東廣微千載凌高步

題魏孝子呈鹿太公百韻詩後

憶昔過易水寒風生古戍北海想遺尊西江緬荒渡肅
心弔英魂辨香無著處琅琅孝子詩虎鬚出鳳味孝子
作詩時太公家無故劫塵扇昏風悲詫訛天步城頭上

花腥血碧秋草暮更有銜恤人毀向泉臺赴有若雙黃
金異鎔同一鑄忠節易嘉名恰與嘉善附乃知太公心
造化同培護君親人倫先至今風聲樹綿綿五色瓜顯
揚坦皇路高齧伊誰銘吾為書其句

冬夜簡洪秋厓

遠意結空端何須去閭井吾友江海人城隅逐清景門
餘秋草閒面帶寒林靜學輕四禪寂味知六經永山月
皓一簾荷風渺十頃揆予本散秩牽涉少暇整冬宵澄
萬慮青燈栖孤影不遂居息安復謝趨營猛依約懷人

心薄帷鑒耿耿欲命花源舟還恐迷靈境

壽父執高翁不危先生九十敬和安溪師韻

馬陵帶雨河山縣浮如瓜靈奇不擇地未覺虎龍差高
氏得競爽平陂各聲華孤情付海嶽逸遁不足誇難兄
敦孝友經緯政於家百里隱敵國兼金躍雜砂英義啓
蒙蔽譬目水母蝦矍鑠今九十行成齡方遐盧教空俱
往同歸路豈賒

壽王遜功

崔嵬望千仞畚土以為基一滴真泉脉江河卻障陂翻

翩華縉士未若拙訥為吾友河汾君朴厚吾所師好讀

儒先書晨興乏烟炊予予如病鶴寒濕成偏跼和緩比

鄰住躊躇百錢資知交婉有贈謝不慣那移譬慰亦勉

留報之過所施春來陽和轉行步初祁祁授餐與我近

有如望衡楣過參聽緒論往往乖時宜常行遵古制舊

說露新知昨見隨朝謁張拱趨玉墀體氣益溫和顏色

藹康怡萬壽過兩日逢君當介眉好風高燕羽輕雨

過花枝笙歌走村豎彩繡迷路歧

禮萬壽節
至廿一日

才賢方彙

征皇路正清夷我已異糗過君正強仕期大行竊屬望

三美堂集 卷一
正學起衰遲講明與充拓精詣畧毛皮利濟天所篤顯
揚聖所推幸出大賢門况肯負明時

送沈頴谷為汪學士招遊浙江

沈子有清文淵源美所自砥礪雖云工亦本干將利南
巷北陌間居近尤數詣三逕無雜賓六籍有餘味敢後
踏雪遊時同賞月醉奈何楊柳風吹轉春鴻翅客行憂
百端主人幸同志大雅日就衰誰與扶顛躓朱門宏教
澤越國各風氣文柄既有屬翊贊豈不貴潛幹大化權
儒生亦持世風物况復佳鄉邦連壤地本業即所司不
足恤勤瘁方今道化揚明經必高位松標自雲上劍彩
入斗次明年正此時看整踏花轡

贈黃尊古

賤子旅西華君為侯門客六法工仿臨騰聲兼數驛訪
謁不得通幽夢懸青壁遲我十六年遇君春風陌卷軸
奏公卿所見過於昔林壑具性情蒼稜潤欲滴逮觀獨
徃圖粉本乃雙屐羅浮盪心胸瀟湘濯精魄竒懷不自
禁荒入大庭磧昨訪趁初吉朝日明屋脊為作竹趣圖
贈我逾朋百示我欲治裝三月有行役驪山嶺雙繡峨

岷雪久白逝由秦入蜀險絕資蕩滌啼鶯送滿路飛花
過輕策古人師造化萬里論咫尺去去莫復問山川無
窮蹟

聞友人稱李剩水有文不遇詩以悼之

西江李先生高才終淪棄嗟哉澗底松誰為搜根抵聲
聞起宿草意寧金石敝所悲右丞詩吾賤不及議

直所與同年張趾肇約晚同義門何前輩過怡園
看杏花義門牽於他事余久侍師座趾肇遲予
輩不至遽歸至花下者余一人而已賦呈趾肇

二尺丁丁
並肅何前輩

鄉思春草生閒羨野鶴警回回上直頻勃勃遊心併薄
暮趁餘暉留連益當請仲言中紆轍季鷹久延頸人生
事故多即此變俄頃晚風吹我屐笑較趨營猛桃留塗
頰紅柳弄舞腰影隔橋緣小蹊扶石度層嶺方濶一間
廳綽約三株杏錦綵剪綴枝臙脂碎攢頂坐憑竹榻高
地灑銀餅冷欲行不行雲將晡未晡景歸市上燈燭那
用游人秉攜手豈不歡獨往意方騁還山失幽諾誰先
占箕頰

老樹

鄉社古枌榆蕭條秋風裏天上玉衡星何年落帝里清
籟滿庭除翠色沾衣履夕陽挂其顛磅礴西山紫憶我
昔聯床霜月如寒水牕影照不眠葉葉皆可指幽心句
易成吟聲猶在耳憐君未改柯五年疾流矢未知樹邊
人幾回共徙倚

題盧六以抱經圖

百家驚泛濫吾友專魯史不須泯異同志惟究終始子
駿世芳風長康奏神技深心懷抱間清眸剪秋水吾師

潛神久磊落明大指解結工利錐析薪妙隨理深燈風
雪時清酤花月裏心愜眼翳開王法人情耳三桓與七
穆亦注蟲魚比我老乏夙植懶慢鞭不起幸同侍講帷
衣鉢自屬子

題楊又東歌器圖小照

弘農佳公子英聲蜚早歲跌宕裘馬場磨淬干將利聯
事虎觀來頗與所聞異舉足無疾行發言如有思豈尚
老氏柔並遠鄭公媚手出宥坐圖乃悟學所自未敢繪
聖師貌已拱而侍虛受執其中滿覆壞一切簡編蹟未

陳懲室良根柢振矜九國攜謙吉六爻備鼓茲風雷勇
旨厥山澤味浮競不自持慙沮劇相對藉以砭愚頑凜
若春冰畏

題程偕柳擁書圖

十年隔風塵塵中果何事媿君山間人昨忽聞君至兩
訪成空回披圖如把臂牙籤富連屋尚看捆載繼黃山
三十峯淋漓青蒼氣憶我客京口蒐討恣幽閱薄醉杜
鵲樓長吟鶴林寺雨蕉森孤清風竹落寒翠俯仰空感
歎對此如夢寐况值春陽辰蒙茸九衢騎江南鶯笋時

山花壓蝶翅俗狀走未已畫舫為誰繫短牋告我歸領
君示我意

咏東方先生

衆口豈不畏金堅常易鎔蛾眉免嫉怨戒之莫入宮濁
酒下漢書心傾曼倩翁贍給兼數子傲弄徧羣公不知
嚴徐輩何以得相容詎達固多端其道幻蛇龍我欲訪
其人千載邈難蹤

餞秋

性頗愛高賞節物趁遊宴自從走職役冬春幾莫辨朝

來見冰澌始訝秋將換我友折柬來向晚衙餐散點勘
經義餘揮盃互相勸短歌餞金飈商聲和離鴈零落短
鬢絲強插黃花亂前歲尋秋歡叢祠蕙葭岸今日與秋
別已發隔年歎蟋蟀賡太康隙影如驚電明日添書程
宵長膏火便

送陳季方南歸寧親

春陽蘇百卉冰雪尚未已澤蘭澀抽莖窖花烘滿市東
風颺鞭絲之子戒行李學成師道南名高帝親指持此
慰北堂蔬盤五鼎旨所悲同術人落葉秋飈起心源閩

海真素業無遠邇姑蘇佳麗區幽事尤可喜閒移聽雨
床淨設讀書几山當酒盃綠花駐夕陽紫羊求不乏人
盡意蓬蒿裏何堪失羣翼剪翎懸對此語默當路難誰
為鉏荆杞飄飄歸岫雲滾滾東流水人惜將鱗潛吾羨
勝鵬徙忠告誼交諄聚散亦偶爾道在經味充德禁妄
語始君年遠知命且莫決行止會看萬彙昌好音憑雙
鯉

曹仲經久不至秋夜柬寄

多雨濕高槐陰黑客亭夕螢影明殘潦風梢散餘滴羈

心耿若悸懷友重脉脉相見本無聊相慰是良覲出門
履齒滑徑滿蒼苔積苔積少飛塵悵沒君行跡

題方石川尊甫先生課孫圖

吾友方石川秀令揭文藻曉烟籠初花宿雨沐新草竹
西聲利場藝成何其早珠胎出圓流淵源由厥考一卷
課孫圖芳飴含緗縹丹山開靈穴應見雛皆好風流俯
仰間母乃倍探討前望太邱賢後有長文小江上素業
懸敢使迹如掃蹇華及春媚落實慎秋老佑啟與丕承
看君鴻世寶

題古松流泉圖

儲氏有五龍輝映荆溪水楚璧俱連城最良難為擬潛
躍雖有時彬彬文行美年來瓊樹枝次第芳風起叔子
官京華金閨爛錦綺少君上國賓懷抱風雲裏仲季志
觀光不辭塵陌紫乖隔惟長公王事歌勞止何意蒼梧
雲飛來會萬里日共楊氏餐夜同姜家被眷此寶國禎
豈惟家多祉一時黃金臺星聚占太史圖成各肖神松
古泉流駛憶昔交賢鼎江濱采蘭蒞坐爾九峯樓風雨
閉秋晷松籟挾懸泉清聲滿幽耳今夕耐披尋罨畫在

三才堂集 卷一
一紙風景何人裁
暄妍生手底
况復集天倫
樂事昔言
旨嗟予念陟岡
老不勝杖履
計偕予季來
日報烏鵲喜
又隨秋葉飛
羸驂薄行李
高天送孤鴻
長河滯雙鯉
淒咽小宛心
執卷誰能已

乙未秋送安溪先生歸閩

冰石不相入
針磁有本性
夫子數仞墻
未易覓梯磴
伊余鄙鈍人
意此可立命
三千豈皆賢
所幸親見聖
殷勤俞扁心
門肯卻疾病
春風十八年
坐卧探名勝
不知市宅勞
但美譚經聽
况更哀樂多
喜戚同紛併
胡然望歸

舟長河寒日映
布帆倏若飛
獵獵北風勁

人生在三節
近為縞紵厄
夫子師道立
巖尊仍輝赫
日

用洞三才諧
謔紛六籍精
思固知新強
學直廣益
晦

千古疑一一
揭重羃小子
生而蒙夙昔
不自克善誘
得

無方隨事領
鞭策談言鉢
心疚汗浹面
久赤有時截
旁

岐無聲出霹
靂峰逼路已
絕瞥然開廣
陌包荒易改
絃

曠蕩泯瑕隙
春花秋月場
光霽延紅碧
念之不能忘
歷

歷銘肝膈

夫子造就人
川轍非一路
道大而能博
責望頗平恕
習

之在精熟莫為多所誤嗟予鈍復雜習染悲深錮功淺
輒易忘愛博自難固官骸貴為人篤好物自聚今未名
一藝胡尚論根據豈關歲月遲何曾脊骨樹本是丹求
畫空煩顏回鑄親炙懵尚然豈况睽趨步媿歎意匆匆
徬徨劇四顧

夜雨淒孤燈離人耿秋館向枕眠易醒起坐情復倦寢
食詎無所意似風螢亂余先本莆人反始竊所願相城
衆水衝十年五徙岍夫子原鄉鄰約言猶旦旦榕陰撰
杖辰離支執經畔飄揚歸岫雲空羨南征鴈縱復應詔

來星霜已再換盤回慮百端誰能加餐飯炳燭或未遲
昔人豈余謾儼熟一卷書知味迺芻豢勉使素業脩毋
徒索居歎逝未肯磷緇瞿瞿保歲晏

丙申六月廿八日同年集寧先寓齋送坤掌歸沛

縣以韋左司雲澹水容夕雨微荷氣涼為韻分
賦短章效左司體得雲字

秋初金當伏炎涼詎可分來雁殊杳邈胡我愴失羣山
雨高館暮甃霽日未曛祖筵前班馬鳴聲不堪聞蕭條
徐與泗念子尤慙慙流想仰若迷斷續屬天雲

三美堂集 卷一
餅中荷五花丹素不曾分人世聚易散乃為生戚忻子
來非所意子去前日聞促盃駐征車虫聲集屐羣策策
各努力輕陰非斜曛君看田間雨多出無心雲
十人籍六省天涯為同羣簾櫳霽陰沈別醉各醺醺離
思入行觴對面欲憶君德義互敦勸歲宴持馨聞不信
世人薄動乃比秋雲

和得天秋意韻

禦寒無重裘自覺涼生早董公幃可下陳君室不掃默
默省愆尤非關口耳少雞鳴何喑喑雨聲催秋老

歲暮送蔣子遵南還用古韻

古人重言別君何分手輕寒霾北地寬回首向南征三
年石交來巷南巷北情柔恭向我真清文為我程春花
秋月場不放酒盃空意外得黯然淚落風籟聲席車有
四馬揚鞭勝高旌梅花踏瘦影歲釀味奇馨豈獨感離
索媿羨實交并君看觸藩羊何似隨陽鴻

題邵甘來滙水村居圖

西渚有先疇鴨塘雜漁市自從抗塵容釣磯沒秋水一
竿滙水風吹我遠心起昔我遊虞山君時在帝里今春

聞君來過踏藤花紫掩關不得面披圖母乃是君方志
任公廣下連鰲餌柳絲颺枯槎看上天河駛喧間判渭
涇胡為勤繪事念之五內煩素衣久塵滓寒林畫紈扇

用東坡與毛國鎮書歸去辭跋語

何妨炎氛裏非為跡異心澹蕩固如

此

[Faint bleed-through text from the reverse side of the page]

圭美堂集卷二

詩 五言古

戊戌夏歸路述懷

客行憺無慮曉來山更青田家雨既足日出荒雞聲西
墅先人業廿年闕躬耕予季屢見招久負春鳩鳴竭來
逐歸雲肅肅有晨征黃河九曲流如何直道行栖神美
良夜回轍賴途窮女孫不識祖出世踰十齡牕前海棠
花盈把過高甍歷歷親與故存者如晨星滔滔東逝水
應識滄海情海濱鄒魯書元命孕精靈淺涉嗟崦嵫炳

三美堂集 卷二
燭勝冥程呼雛命儔侶老馬揚前旌里兒有英翹何必
吾家生水鄉無登歲嗷嗷徧哀鴻昔儒羈社約亦使天
行平閒中事業具薄俗驚公卿君看日夕鳥舉翼何其
輕

整陽曉行

初日澹流雲輕風得小霽露林靄餘青平岡互迢遞延
緣沙路虛烟火西南際耕人語微茫蓮宇影虧蔽田家
新雨足雞犬知芳歲天末視鄉園三日便可至

已亥八月二十七日同年李巨來奉使祭告南海

畢歸途枉顧話舊通宵詰朝即席贈別賦短句

一章

天遣輝南極迴颺下采翰隱約草堂間今夕生華爛晚
風雞黍香朝陽鷓鴣伴新歌激故歡俯仰非一歎我老
孤師恩誰念濯江漢藉揚金石聲仿佛關雎亂高燭跋
夜闌明河向曉判肅肅趁王程又隨秋籜散去年曉
朝鞭遲爾不可見天風婉轉吹飄飄成一面以茲永夜
留彌起隴蜀盼殷勤荷勗厲百里九十半良士役車休
瞿瞿保歲晏

憶丙申歲臘月廿九日京師大雪澧南邀同寧先
及余攜酒飲陶然亭醉後復步過封氏園看偃
松劇飲始歸澧南口唱云歲暮小除夕雪中看
偃松期俱以此為聯吟起句唯寧先成短章澧
南與余成夙逋矣適丁此日悵然感舊補作一
首簡澧南並呈寧先屬余新買山一區欲葺屋
投老訂兩君宦成經過劍合有日晉人所云得
果此緣亦一段奇事也

歲暮小除夕雪中看偃松三人飛逸興跌蕩兀爭雄手

摩尺五天麾盃跨蒼龍銀罇逐縞帶鬚眉各瓏璵如何
三年來零落參商同前年君秉節餞歲香草叢去年我
歸田僵卧迷蒿蓬黎子似孤注何人參遊蹤今我尤奇
特衝寒走雪江真州上船來廿日三開篷爆竹碎鄉心
腰鼓漫兒童頑雲掃不開夜雨淒暗缸天末控鶴樓謂相
正豈况割愁峯謂網何當營菟裘草草一畝宮前碧繞

曲曲後翠羅重重山鹿飲厨盎野花撲簾櫳穩鋪三洞

草高枕五華鐘崑崙山後有三賢才聚北闕談笑無西

戎村墟雞犬靜杼機篝火通脫巾新筍成里社多顏紅

三弄堂集 卷二
歷落蒼髯叟千尺舞霜風有時皓雲妝頭戴白芙蓉雙
雙胎仙子恐難謝軒籠有時經過便一來醉逋翁

庚子二月十二日同曾麟書顧嗣宗繆朝曦金召
詩遊洪山寺十八韻兼贈繆學使潘明府兩同

未過一百五青春春喜方壯趁晴東郭外洪山並楚望千
尺磴道懸一片南湖漾初更點也衣輕拄客兒杖傑構
前藩留回頭沙界曠攜手二三子詞翰稱哲匠閒知耳
目尊靜識行生暢岡松羅高標陂麥翻淺浪欣欣桃李

蹊熙熙春耕餉神堂小憩餘意愜難名狀陸弟與周郎
風流誰相向褰衣絕壁亭塔鈴和清唱兩姝孤山來香
影纔澹蕩始悔怨春寒小勒為我放遠江天欲浮雙池
碧可釀下山尋荒寺端為戀青嶂惜暮是輕陰猶矜足
力壯歸來素月流更憶層臺上

二月十八日夜澧南呼同登黃鵠山踏月尋梅達
曙始歸用余遊洪山寺韻成詩索和復疊前韻

奉呈

三年失清遊興如宿火壯我友呼我起四更登臺望前

山翠濤翻滿地金波漾私開銅魚籬潛曳枕榔杖從憶
石門幽不數斜川曠誰作冠霞亭山骨營巧匠虛明白
流芬梅風况和暢記共陶然飲酣歌舞銀浪天公久見
如今復貽清餉肥香乳烟月言詮莫能像萬籟何悄然
九臯聲相向閑閑引幽步已發晨雞唱詎比世冠纓磷
緇銷澹蕩頗似乘風來陋說開籠放意適醉醒酣安用
撥春釀多少熟睡人白雲鎖丹嶂看君築詩壇旗隊神
彌旺一笑指金盆猶挂榆枝上

別澧南

南山有豫章枝葉何紛披柯條隨洪纖所美齊根柢與
君同門友綴綴晚逾知咫尺榮瘁異飛蓬止草次遠聲
揚清芬藉汝洗錫饑誰知朔飈長

謂綱齋約
會江夏

江漢生飛

梁鄂州一笑後山水充詩囊相從襟抱豁七圓青天月
論文坐夜沙浮盃戀野樾青嶂走銀濤驚竒不可說太
和固名勝步與猿狖競寒溪及蓼池歷遊最清興樂事
難孔皆鴈羽天邊來檐前烏鵲聲化作吹埧哀荷君骨
肉情委曲慰伶仃為我謀雙漿將發欲涕零君為高山
雲我為潭下鱗潭深不可出雲來或有因四海終為遠

寸心托弟彘回首意茫茫秋風吹離羣

送梁環中歲暮歸淮陰感舊述懷因志最厲

人生重嚶鳴恨多白楊秋誰知美音華談笑起冥儔翩
翩騏驎兒文彩珊瑚鈎豈必急天衢藝圃耘先疇河淮
生飛梁歌聲落屋頭北城得還往竒興窮雕鏤偶從訪
朋舊恍驚房與婁歲月不可居春醪俯寒流重陰散冰
澌送君上孤舟再來未有期一倍添離憂御冬足旨畜
衛寒藉重裘角髦赴館時一冊抱魯鄒慙愧逐浮名潦
水盈澮溝宮墻限堂祀跂予邈十洲閒似乞鄰食難為

冰竈謀兩眼著五花沒身霧中遊宦成學不成緬維昔

者羞

謂其尊人實長

看子駕駸牡結束五檠輶疾驅就熟路務

得莫廣求回首炳燭人嶽立嗤浮漚一點信心明萬劫
照九幽殷勤贈行色矻矻敦古脩

陳滄洲舟行即事有作和韻奉贈

昆侖共淵源派別出九河壯君掀洪濤熟經灩澦波豈
不慮直木丈夫無唯阿攜手大河上晚風揚清歌

題陳履仁別駕問天圖

同門黎長汀曾說華遊幻捷足鬪飛猱騰身跨汗漫遂

共月光子累飽瑤屑飯賤子武當遊未知孰後先歸來
夢青螺節候忽已換簾帶黃河沙時與春風亂一卷問
天圖誰歟步葱蒨幾朶綠雲濕飛來墮几案五字瑤瑁
軸七絃錦繡段無心掃室人丹顏與道貫真人粲玉齒
詭見圖南面卓彼志學者肯畫中塗半敬問躡蒼龍胡
此局壯觀或是留懸思靈秘乃悠緬相如既至後非復
庶幾見母亦高世情從古乖纓弁急流期退勇救焚正
焦爛何時最上頭功成畢可願塵墜玉女釵唾落蓮花
瓣君家五龍風借忝雲霞伴

澹士以寄懷詩意寫畫見寄依韻題此

憐此興州月照我崕崕嶺竚立久懷人寒生堦前影故
人憶我畫竟是憶君景

孤月流青天寡鶴唳高嶺畫中有兩人定是一人影對
畫不成酌奈此獨夜景

虞姬冢

英雄營八極何曾占抔土途次拜姬墓壯姬殉一主白
日照荒原清風肅遠浦韓彭既全集四面變徒旅美人
無感容楚歌訕劇舞巢傾指顧間委身知所處亦邀史

筆垂窈窕壓龍虎青冢眷故鄉草芽今未吐存亡別有
真緬思迷仰俛人疑死難求馬鬼罪莫數當時鷲雉鳴
魏我妄求牡家索赤其族幽宅秘辛苦春風步履來環
珮儼如覩雖乏藻薦虔遺宮尚環堵罡風吹浩劫陵園
無一縷豐碑粉黛香樵牧孰敢侮荒哉楚王臺行雲復
行雨椒漿及桂斟騷歌託不腐湘君娥皇夫人女
英川離騷新解英靈
君夫人堪鼎峙湖滸忝余生王里風俗喜存古中壺義
烈多頗訝歲踵武於茲悟其端實姬播鼉鼓何當廟羣
貞姬為不祧祖

騾夫行

陽烏催曉裝昏鴉噪高柳駸駸盡日程感此僕夫厚迎
勞衡陽鴈辛苦澤中久借問衡陽路廿日能達否流冗
何方來故業不能守嗟哉况瘁人道路為隴畝豈謝胼
胝勤鞅掌甘囚首日暮謹騾驢殷勤到勃澣劇疲不自
知焦渴復何有先領之水泉沙場滾抖擻三更僮奴斲
摧秣明薪樵五更篝火呼已復揮髻帚亭午盼頓含饑
腸蛟龍吼到來阜樞間忍汗料升斗芻豆未登棧糗糈
忍在手諒乏沂渭術詎或五殺偶問君果何為四蹄寄

八口雖無三百禾聊免素餐醜小人食其力異類如昆
友矧民吾同胞混然大父母重以皇王命刑賞隨其
後云胡草土視恨聲吞八九赤子委井中獨不懼索朽
既分虎竹符慙茲牛馬走世有孔距心庶將警座右

過確山憶衛園

道路喜坦平風埃頗昏瞶朝來豁塵襟愛此南山霧初
日耿鳴雞清潤石橋路杳杳隔林鐘曖曖遠村樹夙昔
敦古懽沉吟邈孤慮經道漸就荒千里少蘅杜吾友中
山君所學非章句文豹澤其毛醴酒豈所慕風雨安舊

巢吾竊愜吾素川塗詎云緬雲鶴摩天去手攀越鳥枝
身跼胡馬步衡陽送歸鴻為我款情悰

過確山悼魯田

吾友劉魯田舊籍在確山今來過其里清淑實蜿蜒當
年駿蹀躞英氣壓河關多材嬰世患所學渺人寰八部
五千言河決正瀾翻諒無金石固竟為金石煎以服金石藥疽
發死異術殲我良胡為昧上互潮陽有謫徒亟請火其篇

路次信陽閱楚牘畢

汝漢揚清波土俗近江垸上有青松岡下有秧水田竹

樹不復辨人家上朝烟我來采其秀媚映及瑤編倡教
重文翁榜友實聯翩廓清膚末盡氣色何澄鮮尚遠三
戶楚已把九畹蘭既知根閩洛亦不詭王錢清溪洪派
別當仁五百年有美韓門徒未肯絕微言好鳥諧春鳴
此聲非偶然周南原風首屈騷未或先大雅扶王化幸
茲鼉鼓宣殷勤嗣好音子衿有遺篇響赴而景從躊躕
望來賢

次韻訓斗文年兄見貽並呈長汀同門

嫋嫋春晚蘭紛馥蒸湘湄江流有合時豈不幸光儀當

年桂水夢勞勞使心悲况復殊霄壤延津恐余欺汀洲

赴杜若

謂長汀同門

千里忘瘞疲南紀珊瑚網芳馨慰驅馳

得隴且兼蜀造物何我私露君百寶笥惠我時一窺君
尚六月息疵賤顧安施深譚雨聲破頽醉月影移獎借
漫十朋攻瑕煩六師矻矻信所聞前脩以為期不必山
海羞取療季女飢鷗鵬與斥鷃高卑笑何為

用斗文見貽原韻贈寧先同門

憶昨禮衡嶽維舟清湘湄高楫魏元君烟霞敞丰儀羽
駕紛將騰迴風吹我悲迴風不足悲朱陵恐余欺真文

與寶籙往者神空疲眷我同門友形隔魂久馳離方柄
文明冰玉不及私愛我無畦町幽隱兩相窺周行為我
指鞭策為我施他生固安知此生信不移豈不雜飲謔
主善以為師知君萬里程馬齒難前期一心綿精魄千
載等渴饑人生感意氣金石亦何為

衡州使院送陶柱中歸常熟

陶子秋鷹姿廓落出敏妙一瞬了卷帙頗亦領其要前
年整霜翮仍捧謫僊誥帝乃庸玉汝磨礪入理竅今年
采蘭來重披春風棹聽君理七絃泠泠微改調摩空俊

氣收深穩研道與踽踽喧啾羣鸞凰同清嘯定知虛相
受固應高自蹈海濱鄒魯徒晨星悄相弔屈指半吳中
又驚南山豹虞仲轂為推言游神所勞季方久孤撐得
君雙旌導風雨荷殷勤往復互傾倒竊媿跛脚羊快看
追風驟澀囊知無餘遽以言歸告洞庭波忽濶衡雲愁
難掃高高五峯尊幾時與同到以茲非意別秋期誰敢
料迴薄萬古心湘月留清照

衡州使院送黎亢公歸長汀

黎子儒之雋幼學熟至老遊獵媿無得轉羨章句好世

鮮真龍愛誰迴狂瀾倒君家惠連才湘碧春晴曉蘭畹
聯蕙畝采挈盡江表雨深對眠床歡及伐木鳥云胡廿
日留已動歸思早遙知下灘船仍復夢春草

遊浯溪觀中興頌石刻

磨崖中興碑夙好紫寐寤青嶂天南陬胡由展良晤朝
來卧雙楫瓊琚已當路不須照扶藜肅瞻美無度宿雨
沐新莎初日啣高樹輕風敞吾襟碧蘚淨吾步謹嚴祖
麟經雄整森武庫天教神物合風雅開氛霧山僧指亭
臺導我雲邊去木杪挂石林檣竿拂芒屨雷奔石溪聲

靜意入韶濩久聞宏尊名疑是糟床注叔世多鴻濛賢
哲啟華輅何必井竈存依然松竹處下山赴招招恐逢
舟子怒行行過蒼崖且牽朋好住昔人秉燭情況迫齒
髮暮迴船雖有約或為陰晴誤當兩公秉筆時尚豺虎
聚詎有宣光烈聊志來庶惡維彼貪亂人公等實所妬
誰知忤俗者歷劫光唐祚江流閱廢興英姿儼彩塑疾
風稀勁草君子挺多露詞翰豈不工忠貞增慨慕山坳
太平心偏為吾黨護未能移家來登艫猶還顧

重遊浯溪簡諸友

立譚別偉人胡由罄蘊抱入門謝佳客味我室家好昨
來賞浯溪羈牽實草草使君眷補遊迴舟青瑤島厨傳
已先行夜雨直達曉稍歇又瀕洞維憂堪用老豐隆不
妬媚省躬覩穹昊縱復強著屐坳曲恐難了元顏豈無
鬼德輜安可禱所向多不遂吾友神所保溶溶衡岳雲
誰使跡如掃

順流百里短所憑夏日長停午雨忽止望望吾軍張白
鷺導我前飛步千仞岡雲影既披絮松聲亦鼓簧迢遞
羅諸岫逶迤俯清湘匏印苔蘚綠衣上蘿薜香前賢留

高躅一一踐遺芳石穴類人鑿階址或古堂臺亭失銘
篆山僧不能詳迴思雷雨盈一飲累十觴勇臨狎木杪
醉躡輕劍鋌夙昔夢見之倍足發吾狂豈弟諸君子山
靈降汝祥我託丈人屋亦得共翱翔

紫綠入尊壘夕陽紛泱泱醉趣如清夢醒者焉能賞雙
虹蔭灌木寒碧落幽響珠斛走雷霆玉龍蜿森爽坐生
遺世心淵淵非外獎西橋得兩字深崖開巨榜浯溪雄
整勢中興筆無兩千齡委蛟涎一朝潛德朗命工搨之
還擬揭軒楣上前脩不可期回杯迷俛仰臨發上曲亭

誰即掉歸鞅昔飲宬尊人曾此數來往

芟榴枝

榴枝冗如蝟官舍那訾省丹實多枯落朱華覺瘦冷頗
若蘭當門詎比木有瘦斧斤不在掌巡檐意莫騁朝來
斲藥闌刀頭得鋒穎一栲貺僕夫立談畢脩屏瓊筵逗
涼颿壁月流疎影焉知汝欣欣似解我耿耿十日別汝
去閒雲飛亂嶺誰為後來人嗣音欲有請何必植吾庭
聊用慰俄頃拱把有餘思顧躬發深警

壬寅八月五日得義門先生凶問

官齋借息偃陳編數蕭晨伐鼓通朝報秋雨閭將昏吾
友久脾疾 褒卹展絲綸失聲我何為俊氣無斯人中
宵追平生語笑忽如親歲月淹天祿名山能幾存恩雖
換粉書光不到青燐人生誰長世後死得苦辛涼風鳴
牕鏘肅肅傷我神

鄒氏固無師毛公有所授君學謹派別虞山切講究一
目下十行毫髮悉穿透微言洞窾會善發昔人覆楮墨
鑑古刻滅燭能辨臭時嫌謔浪虐終得芳潤漱詩文妙
指畫森森羅俎豆愛憎不入時針石起顛踣以故韓門

徒六七挺英胄書翰雖小道勁入唐賢殼纖媚昧小學
一洗元明陋士行重大節五十終哀疚友于亦敦持廉
介無苟就驕勞貝錦多蟻孔山河漏天馬脫羈銜爰居
驚金奏豈乏不掩瑕未敢同俗詬是非有千秋吾悲吾
所厚

駸蔑重一言有道慕同舟寒鄉采片牘有如凌十洲春
風吹上國友聲容我求未幾餞天帝郊託我於德州德
州溢獎借引上昆侖坵觀海小潢潦敢自昧源流畿南
忽萍合洛閩恣冥搜旋限雲闕迴每旬書我投及我謬

承明偏送棘人輶零落殘花雨夏月如寒秋燕吳三千
里自慚塵鞅浮豈意下徵書共事西殿頭雞鳴扣魚

鑰鴉噪下龍樓不曾異門籍五年獲綢繆青天霹靂下
赤曜纖雲收尾波盪微風惠我歸田疇豈不分車笠知
未~~出~~蜩鳩藉君蒼蒼翼解我滔滔憂飛黃未一騁胡以

賦鶴鷗士林吾道嗒文事誰鵠侯矧我平生人痛苦肝
肺抽恬死君憂盡高明且脩脩芝蘭尚餘幾又復碎琳
球少雋不我親生趣盡松楸歡戚竟往事歷歷閉雙眸
君或善顧慮我敢生愆尤斷柳插地生蟄虫復暖遊奈

何宿草隔無地說離愁靈輦過我廬恐闕薦庶羞寢門
凝一哭賓寮不自由蔬茹聊三日私以志同憐片言告
我哀遑計君知不

前村行

前村有高門樓觀鬱雲興良田迷阡陌高廩難簿登家
有偉男兒才貌兩崢嶸賓僕歸遠譽道路生光風去年
纔加冠歲蕤孔雀屏媒妁填門至高門煩不勝反先奩
具索意或息囂矜後家賤翁媪求牡甘所膺黃金耀朝
日大珠散明燈齊紈疊魯縞文馬隊縱橫高門秘偵探

雙鬟亦娉婷女家怵我先偃蹇忍足恭自整嫁時衣來
造君子庭大姑垂繡幕小姑閉綺櫳厨丁爨婢流微睇
溢笑容新人不自聊低眉和湯羹誰為羨霍都祇覺慙
梁鴻豈不致恪勤胡為紛見陵合姓以齊體陽施而陰
承古人通大道六禮迺天經

長隨行

羈宦捧除書蒯緱不能續何問千里糧晨炊已無粟宕
宕京城子流塵逐輕轂導言且致金願齒輿臺錄自從
上路來百端竭勤劬隨方巧鑿枘相人轉輓轡侈口趙

杵臼居然霍子都主人時白賀財力兩余輸平日愿樸
流羞縮向一隅秋風破牕紗一隙通中外此輩閑達言
鳴鼓暴奸獍昨夜金百鎰今宵錢萬挂子母權進身取
息已千倍兩歧麥不生四馬門將壞主人憑軒怒鼠子
敢吾賣意氣看春容談言緩相對君誤索忠良初交本
以利

澧州蘭蕙十月華

昔聞澧水蘭今雜蔓草青瓦礫委墻隅根浮瘦竚孱何
人見摧剝太息千秋名日日往一顧顧見紫羅英長者

蕊纍纍已抽碧玉莖瓦盆封宿土灑水移前榮籬菊影
既殘嶺梅香未生同心誰相許當門無復驚楚客去已
遠似有向予情

我家大河濱芳馨結肺腑憐君為寓公顧待力頗努出

入分節候燥濕量晴雨沃以漉豆汁寫以陳茶滷

茶味
濃重

者謂
之滷蟻穴與蟣疥一一勤爬取猶謂昧成法訪咨繙藝

譜何意君孤僻終不受媚媼一年得一花三年成宿莽
今日爾胡為泥溝花自吐麗色宣敝繒宏聲出敗鼓豈
忘夙見凌驚心弔失所歷茲榮悴故恍若迷仰俯胡馬

南枝愁越鳥北風苦物理有固然人生安鄉土
夏蕙冬初榮人謂花開早毋乃夏未花遲待秋風老菁
華不曾吐寒歲焉能槁肯逐雨露妍愛輕霜雪飽孤芳
貴所稀何必及時好

送吾宗伊匡歸金壇

尋師良常遊歷歷猶在眼河流抱城深山色帶郭淺相
送向此歸寒風生悽恻昔歲黃公壚盡入山陽管大江
日夜東滔滔誰能挽與君累月歡藝蘭看九畹况生鄉
族家公侯復不遠當仁莫自疑古義在所勉陽灰昨夜

飛霜月當頭滿盈盈摻手情洞庭春一醖

送吾宗暫次歸宜興並訂中子同年北上

霜落洞庭波看君俶嚴去離唱無緩節聲飛漢陽樹蘭
言豈不懷切切倚閭慕吾宗固多秀又此輝球璐公侯

當復始暫次為文靖後齋

華文良可據理脉自有真炳蔚貴所

附明年丹桂叢姓字團香霧聞出季長門久擅盧生譽
絳帳羅經籤黃河少尺素為我問平安何以啟迷誤何
當執塵鞭同上春風路

九江別巨州兼簡令兄巨來同年

三美堂集 卷二
吾友有惠連文雅多情愫願言展燕婉攜手春江路聯
帷燈火來首冬青陽暮老我原伯魯看整凌霄步何以
申贈言新知溫其故甫田秀莫驕荒年穀易布帆挂柳
條風村漲桃花霧黃塵惹人深青山寧我誤猥遠冰雪
姿彌益棣華慕池塘草生夢應落潯陽渡歸鴻有斷行
幸一託音素

江上謠

東行遇東風西行遇西風累日枕篙眠舟子懊嚶嚶請
看來者船笑歌鼓雙蓬巖嶽青不去鷗鳥白從容造物

非一節人事儘窮通譬如汎宅人遂作信天翁

東行遇西風西行遇東風篙師發長謠安坐飛艨艟江
頭卧楫人怨天非至公青山奔馬去白鷗沒浪中上突
鼉頭石下伏虎牙峰斂袂吾有戒莫引十分蓬

贈錢牧人

文章基道化俗說汨人頭一言幾乎是何論恩與讐與
子累月歡正議膠漆投檀板一以按清切變巴喉諧暢
入雅則天籟非人謀摛華別菜蔬佩實紛琳球言動溫
且理春風有和柔重君青雲器豈為鼎鼐儔桃李蹊不

言蘭蕙谷方幽薪傳閩海徒此外頗悠悠

黃州逼稷飲同登青雀舟倚玉半月來花影媚春流江
風披我襟江月照我頭新文疊陳編賞析破昏幽鍾山
龍虎地送爾整兜鍪射潮霸氣在爽競珊瑚鈎昨宵過
蕪湖月滿海潮秋風便一日耳無說可淹留甕中鴨頭
綠爾去誰與酬別且緩須臾不作逆風愁

慈光西樓懷赫尚書

五更一雞鳴羣山峯正寒娟娟曉月輝乃在牕戶間我
友斗極下閉戶理冰弦山水發五指何處是成連謬予

策輕杖天明駕青鸞臨路忽躊躇印須云胡先安得命
白鹿縮地無山川迎君泰霄上浩然拍我肩天都與蓮
華風雲相往還晝纓濯清流夜筆揮紫烟不問軒皇訣
寧咀容成丹雷雨足下生瀛海眼前乾即事欣所往長
嘯渺塵寰當其得意時相視兩忘言啄腐吞腥人與汝
不相關

蘇州旌門蔣節母王太君

孫蘭秀南國芬藻艷天庭豈獨翼子勤作求本徽聲摧
芳及穉節兩珠一未生劬勞五十載折軸度井陘誰期

三美堂集 卷一
聳壑姿雙標插天青遂啟金閨彥奇雋不可名簪紱世
所有文將作代英 天章賁綽楔烜赫里門旌賤子有
祖母盛年亦毀形藜藿寄外家針刺課孤檠欲聞不及
年寒月照幽扃薄劣慳 王綸寂寞媿一經至哉純氣
滙嘆羨天人并
黃茅岡石
黃茅岡上羊躑躅三百羣天人揮彩筆磊塊生烟雲初
平叱不起子卿牧難馴風流五百年卧起各天真吟壇
與酒社沾漑到今人剗之竟無血一朝失嶙峋丹堊美

輪奐紫翠亡精神蕭條空石床詩史訝云云草埋亭鶴
骨月冷石狗魂孰謂其名在不與形似倫本無角濺濺
只是口津津孔氏留餼牲其禮曰千鈞一卷曷足貴昔
賢咳唾存倉卒柳州柳野火相與焚鹵莽召南棠牧兒
摧為薪役夫豈所責吾黨須諍論我歌非此悼時世輕
先民

書懷

陰陰無隙風夜雨開早荷鱗鱗駁曉日凝雲生層波借
問此何時投林養微疴高高千尺松我意殊蕪蘿列缺

三美堂集 卷二
忽奔騰飛動壁上梭蝶無去住心因風一婆娑非茲不
繫舟胡以葆天和

乙巳歲序將終成日照以詩寄鮮鮪魚西施舌依

韻答和

鱸子掉如簧決明介于石茸茸芰薑黃寸寸點葱白忽
驚僵卧人起為饕饕客故人海鴻來歲暮勞相憶竹枝
雪未消梅花春先逆寄語探玄翁應此窮太易

齊頭去魯尾山河邈盤帶以我廁同術膏田出秕稗東
望王子喬玉清敞香界問我得仙藥胡失掌中芥宿昔

卻穢蟲嬾散宜無賴昨來脫鞵銜恰如癰始潰重爾慶
廊才衆器俟殷鼎何日揚鴻聲箏琶收雜碎小草熙春
陽不在九垓外

待抑堂

草草又窮歲冰雪助寒沍無多念索居長河邈雲樹聞
當挂帆來望望飛鳥去詒我赤玉漿沈吟醒孤慮留酌
竚回軒流景未云暮

此編

積雨曉來歇駁霞明高樹倦客耳目醒繁憂掃何處人

言千金軀擾擾墮塵霧人言寸金陰浪擲隙駒去文武
道方墜尼山弘顯祚百歲孟子淑終日顏淵鑄孰云此
編陳心源已手付字字鉅我肝新警破深錮慙懃炳燭
翁動色前借箸乾鵲乍一聲輕風搖花露

夢詩

薄薄雲際月英英白玉槃流飈噓晝靄片片化彩鸞清
光不自持四極浸廣寒鴻鈞混一氣蔽虧本無端飄塵
何奄忽久待良獨難冥心付千載坦然出人寰誰為校
形影局促橐籥間

旌節程母潘太君

雛鸞遂稱孤不識菱花舞地下連理根繁枝競出土皎
皎潘娥節震驚難為腐媒妁乃片言死得我儀所余鄉
無貴賤指不可勝俚婦師歌唱誑言喧矇瞽茲焉更
竒特居然篤世祜始才告納徵甘誓柏舟苦入室原不
寧鞠育原不乳至今孫及曾疊階扶玉樹六禮雖未全
一貞以為主先王制有節豈非人倫譜自屬賢智過根
源禮法祖况娥尊父命姊遺躬所撫孝友全所天天德
孰敢侮晚末負義多鬚眉背君父 國恩近許旌何異

三美堂集 卷二
播鼉鼓休父瓜瓞綿俎豆應千古

壬子正月廿一日從族孫塤乞言壽其節母許氏
之請兼以示塤

栢酒燈花闌東風開陽位草色小雨酥梅蕊明霜霽塤
也壽其母乞言窶自媿華袞一字褒覆我百無賴試居
吾語汝事親守身大母歌黃鵠時汝生尚未睟機聲悽
夜月熊丸和血淚汝今而立年母今大衍歲汝身類宮
中汝子十齡外天貺亦云優天行何足怪安貧聖所矜
可羞約而泰士趨百行程書償五車債表宅古今同顯

揚經首載寒門綽楔少豈可語 聖代勗哉惜居諸日
月看征邁

擬陶

清風能自來蘭香得我心閒庭肆游衍俯仰若鳴琴疎
桐下秋影薄雲不成陰乾鵲引雛飛徃復浮與沉褰簾
開書讀其語何悒悒昔賢云道喪母乃欠侵尋羹藜高
我腹春醪滿我斟窻草光油油此意良所欽一枕坦千
載何者為古今

今日好天氣紙牕何鮮新戴日紅薇花遊蜂聲四隣驅

驅不肯去響落屋梁塵竒茲渺忽質天工贊人倫崖蜜
赴嚴程未敢辭紛綸藥餌息老物豈獨凜主臣且用警
游惰咄哉四體勤

馬半查生子詩

帆落邗江潮友聲轟酒啗吾家石麒麟德門自天下

用牛

弘語昨夜震一索歡逾間兩社乾鵲引我來湯餅杯適把

吾友山館闢芸編插千架魯鄒閩洛宗豈獨揚風雅又
好行其德孤窮萬間屢惠迪豐其源流長自不舍碩苗
沃厥根京坻納禾稼樂善永世澤代興券可寫寧馨果

有託定是後來者元方吾製名文行鄙自訝或壽先五
福大耋取純嘏春風入我懷飲若百泉瀉日暮祥烟生
面熱花露灑萬類一呼吸主客有憑藉晦翁歎蹇乖所
詣多弄瓦一朝笑轉運入門熊羆詫吾本積悔尤動亦
隨訕罵醉卧推蓬窻庶茲磊砢寡

丙辰八月廿九日候楊江陰病回次日作

旭日上屋頭四天何青青褰幃視君病鬚眉未改形君
力可扛鼎雙目如懸燈對面若無覩欲言不能聲君思
箕尾去天地竟無情失聲不自禁淚下如珠繩王

文夏震

宗 瀾 我新知感切骨肉并神魂遞昏惑幻若迷火冰延存
 秘府參醫者誰國能歎息古人言忽若風吹塵回坐肩
 輿內飄槎臨滄溟言歡六閱月非意荷 聖明滇海雖
 天末終勝隔九京叨長君三歲君庚我惟丁我應久裹
 糧胡先送君行納蘭綱齋間燕齊惟君同江東轉愁天假
 年何以聊此生勿藥豈無妄喜還側耳聽
 交河髫年交君後事與訂白日極覩縷夜深訝縱橫忽
 然塵霾狂霰雪雜雨零據案我端詳交河細抄謄不知
 誰為作不了奇詞情古今備搜羅洞徹詫幽明赤文綠

字頻胡不下仙靈浮雲既無力罡風太猙獰鳩鳩不我
 諧何以稱使令孽狐與嗟鳥中道定憑陵拂我珊瑚鞭
 吾親討不庭

塵沙擊紙窻北風何慘厲分明眠中人倏忽川上逝明
 知嗟何及理數亦自至安溪適齊年尼山少四歲萬里
 竟獲返哀榮 君恩備亡者既全歸不了生者意三殿
 學術深六堂人材地太平須醞釀戎行視旌旆

題兒子藝經圖小照

我家本業農爾祖開經鑿余負勤敷菑亦復荒點勘巍

昂閩海公謂安溪先生細魚恣嚼噉寒日駛幽巖線曦乍明

闇忽見失學兒荷鋤抱鉛槧異糧雖過時作志無久暫

四術六府腴西疇東壁炤經正景前猷穀似符後驗詒

厥欣有謀聿修得無念敢望九餘三美茲石與甌

吳太宜人賢行詩

昔侍文貞久庭闈多所聞安居來詭變絕行出常倫輕

生鵲鷓原滾出虎豹唇謂葆甫先生野燐兵鍊鬼亂時夜登樓見野火

無數作進靈卜玆移神賊得眷口囚之關神廟中私

退行陣狀自信又祝果還求移神廟於湖頭凡二鑪丁不滿百殲

賊三萬屯晚忽詫閨貞孤兒是聞孫襁褓失怙時曆算

西學新牛毛莽轆轤贈公偏軼羣精穎騁猛厲窮搜迷

晝昏好癖遂成疾嘔血幾盈盆文貞贊幾務伯子往來

頻上臨兩代姑膝下雙珠存勢劇不可藥哀哉太宜人

無計禱上蒼倉卒失精魂援吞盡嘔血焉能辨腥葷觀

者膽欲裂忍覩口角殷緣是痼不解歲增畢其身至性

千變化古無此齒芬竭力事祖姑曲能調涼溫五載親

抑搔易之輒嘖呻臨化摩髮膚握福賜酬勤內外推國

器已賁兩覃恩傳高祖節配草竊燬數村奔避誤落

三美堂集 卷二
後槁立得澗濱文貞奏 當宁天章頌倬雲今又士林
重鼉鼓翼神王綸爵命世本貴君家天人因精誠帝所
眷孝義奇德門

三美堂集卷三

詩七言古

甲申春初仁趾留榻閫署盡夜深談予將南歸漫
歌贈別

與君訂交十年餘舟車分逐兩不易結懷風期空怳怳
倜儻英音遠自至銀潢九曲濯肝腸雲龍千尺標位置
喧啾百鳥鳳凰孤下燭天光騰虎氣維時黃淮初底績
六御省閱籌終事君署頭銜仍白衣猛將徒手搴赤
幟兩河陘疏陳多端三策上下明精義變幻滾滾導詞

源倉卒班班羅腹笥虎賁雲屯鬱三千龍旂日耀赫十
二鬣公條對朗鏗鏘斂舒隨機渾膽智天顏開處萬
籟寂一人叫絕羣驚異滑稽常忘萬乘尊譎諫還
收一德利便隨豹尾入明光旋踔鷓冠領京騎新整三
門換壁壘肅清九陌凜權貴果能實際見經猷不比口
古窮明試頃來邂逅劇笑懽莫逆於心聯輕轡下馬呼
酒跋修燭高談細語無迴避男兒身名貴有立爵祿浮
雲真不啻君穎已脫無流行余拙方藏決隱計勗哉努
力報明時看射猛虎酬鄙志揮手不覺重躑躅磊落春

星籠薄醉

孫節母壽詩

并序

余交虞山孫高貴汝州最久為人侵然諾臨財不
苟取能勤恕下人客人家雖臧獲皆懷之以此遊公
卿間多信愛焉然以賤貧傷其祖母馬太君六十年
貞行格于官吏不得旌丙戌冬予返里舍汝州留京
一旦得安溪先生為其祖母作紀與詩二千里外郵
書見示所謂附青雲而彰顯是誠足以為榮矣孫子
寒鄉下士以立行致名世大人之言不朽其家門之

節義士豈必貴富而始能顯其親哉今寧覲歸稱其
祖母明年八十母六十乞一言書卷冊後因為之歌
一粒一珠忽年豐鳳將來下竹實叢是年江南夏大水
秋忽大熟竹實甚
多有驚遊子歸時乘祥風畫錦不妨裘蒙茸縹囊展將
飛彩虹桂馥蘭臭腐甘濃翟茀魚軒如蟻蠓區區綽楔
任冬烘名章照耀青史同字曼玉球叩金鐘驚徹衆醉
與俗聾五百照乘懸天中取信亦不由三公金石可泐
此無窮何須青鳥舞簾櫳報劉大孝冠江東千秋華袞
兩世雄高堂氣色敵華嵩

已丑八月十四晚同劉益侯納言大山前輩及戴
褐夫儲禮執黎寧先同年登黑窰廠高臺玩月
成子綱齋攜酒肴至飲至夜分即事一首用禮
執原韻

南郭先生舍西臺罨頭塵裏兀清曠林疎雲護白於綿
山晚烟生紫作障九十秋光將半過誰挽回鑣使我向
主人愛秋劇於春會取鮮新多情狀有約不約任客來
欲飲不飲邀月上須臾雲破天無遮推轉金輪見摩盪
矍瑜藉草足盞盤萬里清光取相餉未知明日是陰晴

三美堂集 卷三
忍擲今宵不懽暢雲葉微微點袂衣露華的的澄寒釀
相逢况盡冰雪人不須物外標孤尚天空淨洗洞庭波
欲倩劉郎歌蕩漾三百六十皆滾滾今夕何夕覺神王
由來風月無主客早遣羈愁為一放醉扶便是芒鞋隣
何事君王靈壽杖拚使中秋夜無月茲遊業不辜丹嶂
歸來九陌是香燈空明已作懷人望

和巨峯歌

吾家馬陵八百里蜿蜒東連海上青海山何者不可攀
就中巨峰與雲平孤撐下疑鬼神會變化晴看雷雨傾

應時挺出王夫子千年寂寞鍾幽靈春風花麗屠維歲
鼓吹頻聞子晉笙細流恰幸通洪源門生門下見門生
夫子忠鯁時之傑龍門一柱轟天闕當關虎豹劇搏噬
賁育孰視誰敢撻狐狸燕雀紛畢置達官各各老成情
夫子憤懣填骨髓手搯封豕蹙長鯨方命亦須九載試
謇諤何妨一士爭只今日月揭高衢不煩異代入美評
丈夫事業日有富就此堪與山嶽盟鹽瀆宋生頗好事
巨峯歌出金石聲猥承下風亦繼作高山仰止行景行

再望風雨限韻

日前赫曦卓中午陰氣方長何忽微張吻坦腹不知處
炎官焚燄逞兇威高堂會作催雨詩箕畢排突闔闔扉
須臾銀海眩金蛇傾盆飄瓦孰依違明朝納涼聖安寺
雨脚灑灑尚紛飛就中詞客循故事雷轟電掣空巍巍
簷鈴收響屹不動東望屋角明斜暉自是天公憫回駕
不使泥塗霑霏霏今日發狂欲大叫風伯雨師曷月歸
猶記昨者有成約懊悵得無食言肥速懲嬾慢迴雲車
忍使焦枯遍九圍喘汗何由瀟湘岍如望故人想依稀
除煩救暵頃刻事老龍慎莫從脂韋乃知大旱急雲霓

古來沛澤貴當機但得及時去煎熬今是豈復思昨非
投筆訝或鑒明神已覺涼颼生織衣

贈秦南沙斧形石硯歌

月中桂樹不受斫天風吹落吳剛斧鞭龍駕鳳苦搜尋
不知何年溷市賈我昨緩步慈仁廊抖擻塵沙形製古
由來神物石為質潦倒文房伴迂腐購歸望舍呼洗磨
十斛清流千細楮須臾皴剝露精神炯炯清瑩堪對語
池中墨銹旁光澤魚子薰燒鏡出土玉泉波注龍香丸
不待研磨已媚嫵他時南沙笑我頑斷石零磚堆成堵

是日突來色懊悵口不言愛手勤撫春光淡
施墮瓶花坐視脉脉我心許屢見廟市依形求
饑疲空歸日卓午脫手相贈如償負不比元英
陳大呂我愛何必為我私但須是物得其所君
文雅健書格清視我齊晉臨邛莒曉牕開後弄
秋晴夜燈孤處深春雨蠅頭筆飽掃千枝擘窠
汁濃盡一序短歌為餞結石交雄製韓碑摹石
鼓濡染平步掌絲綸雲流電掣墨花吐玉堂材
大難久用好注丹經鎮巖洞爛柯一度輕千春
疑君本是看棋人

古本雜生贈英石研山賦謝

我友報我老硯贈一拳英石形歌斜山間支頤
醉卧叟天邊上漢張帆槎長餘二寸高不足勢
俯崑崙走流沙幾道泉鏤太古痕微茫有路思
移家媿我几間乏長物硯旁一旦添豪奢潑墨
遙翻青海霧研朱欲落赤城霞憶昔定州見盆
石那知雪浪生靈芽是石亦黑質白
章似雪浪石低頭顛客整襟帶回首風人詠木
瓜東坡好事貧骨相空唱壺中小九華

題雅雲章藏蔣西谷畫牡丹冊幅

長安豪貴醉紅裙酒場歌席羅羶葷雅君亦本
金張輩

文字飲足張吾軍請酤數盞布榘几卷帙索題訝填委
 六法細區三品餘虎氣直騰牛腰裏惟余闔得畫亦工
 牡丹雙枝粉蒙茸筆花舊屬同門友西谷為余鄉試同門天香猶
 惹玉堂風分頭正斜不相附勾絲向背何曾誤薄霧疑
 牽初日籠輕霞似帶曉風度豐臺王圃殘金卮王相國園芍藥
 最盛天壇道院褰錦幃常道士家牡丹最盛香車寶馬不知數俄見
 池荷換故衣交鶩羣隨時節競誰能留得風光靚過眼
 繁華不耐看知君於此保全盛

丁酉二月寄壽高尚友七十

六十我纔過慶君度七袞城南城西赴館時垂髫相攜
 如昨日東風一夜破春寒桃花流水迷人間堂上蹉跎
 白華養膝前冷落彩衣歡尚友以其尊人特騁先生遜跡不返長日不受介觴嗟
 哉忠孝人倫首水之江漢星之斗即此堪誦難老章何
 用南山祈不朽少同術業與君親可憐踪跡逐浮雲心
 向黃犢不輸健羨生白鷗誰能馴無因介君酒我能為
 君歌黃鵠高飛不顧雛丹厓碧落乃其窠雲濤萬里須
 臾遍黃流浩蕩晤嗟峨龍吟鳳舞紛先後月明羽衛影
 羅羅德門清業有弓裘金格玉局未足多冥冥止止在

靈臺吾聞至人與世常委蛇腰間一瓢懸流霞錫齡惟
夢聊顏酡君不見君家伯父九十八神明不衰葆天和
棲神守真豈世人徵實莫謂吾言訛

戊戌初夏泰安道中

鶴鴿聲燥麥子乾黃蝶亂飛棗花繁青嶂千仞籠紫烟
清溪十里照碧天我頭無韉繫我脚無索纏何為僕僕
塵土間初日射山曉霞殘晴雲度水綠蒲鮮垂鞭且信
馬蹄閒微風生涼一灑然

新泰道中

高樹臨危路影落長河流樹影無時移河流去不休青
山閱人得幾回悵爾東西南北憂

松陰草堂圖歌

夏暎秋熱酷不止喘汗思挽天河洗牢落天河渴無津
素壁互雲忽然起覆屋松陰移晴晝動地松聲入幽耳
飛瀑百道落前軒奔雷濺雪駭心顏雲流漭泱失其源
但見龍脊鰲背幾處留蒼痕婁東乘風去耕烟亦難遇
豈第近今無與訴真宰直應董源夏圭拍肩相披露終
日謾謾坐其旁開尊問月迷行藏我本山中猿鶴人十

載誤踏輓紅塵西風剪開纏金轡籠鶴從高萬里志茫茫
醉眼小八極莫信此身在此世曼倩老子昔異今河
汾先生跡判心靈臺一片清涼地自有桃源深復深

九月偕次衣同年舟泊鎮江同遊城南鶴林竹林

二寺時送安溪師靈輿南還感賦

帆落潤城南羣山晴可數我友抖擻換芒屨攜攜尋我

讀書隲予曾讀書鶴林蘇公竹院當時醉月吟風場師門零落黯

宿莽彈指三十七年間老大僧離話辛苦舊來門徑松

杉深疎陰冷翠日亭午苔花半蝕寄奴泉棘籬尚護厓

山主鶴林東有陸丞相祠修廊嵌石亦斑斑蘇米遺刻無一覩何

人知有蓮可愛猶向頽垣墁新土鶴林西有周子祠徘徊更作

竹林遊小村遙見孤烟吐叢篁蔽日樹梢雲履蹟欲濕

山門古循磴攀欄傑閣登黃鶴依然吾故侶勞生何處

不埃塵佇立靈泉欲掬乳春花宴後各茫然盲風弱絮

不禁舞我喜羈羽乍脫籠君自卧龍終得雨從來廊廟

妬山林看逝寒流對秋浦清游片晌娛閒身鄭重茲行

神所予

已亥除夕舟泊大通驛長句寄贈澧南同年

我思文翁在楚疆歲云暮矣棲葦航山長水遠望不見
短歌一發聊昂藏熊封本是騷雅地誰歟泥波爭汨揚

鄉隣糟邱歇後鄭連車盈篋九蜎蜎

睢寧邱僉事邳州鄭副使相繼為楚

學政邱善飲故名

自後青青鞠茂草蘭畹蕙畝無餘香海陽先

生萬夫特清聲藻色吾軍張豈惟繼美李宮相幾挽江

漢披秋陽

謂座主安溪公督學京畿

遥知辛盤點蒿蓼卧雪不異袁

安僵平生無事頗好飲餅罄恐亦醒而狂縱臨暄庭問

詩禮

嗣若隨侍

空對寒衾留驪驪

澧南單居已廿二年

君不見跳踉五

兒帝所昵吾曹未易邀相將韓老初亦不解事祖行車

船載糗糒憂嚶薄愬轉屈伏前倨後恭欠周詳既乖於

時與天通容不芳沐澆蘭湯上占從來重茅茹王制莫

先崇膠庠姬宗藹藹吉士多衡山駢駢胄子行如君化

作千億身聖祚萬年鞏苞桑近聞詞臣間好事也學卜

式芻牛羊漢家天子振長轡寧於紙墨徵餼糧長孺孤

直真頗牧壯猷潛懾淮南王使君於此果不凡屹立自

監鐵脊梁汝輩豈忘思廉立直以身謀隳朝綱嗟哉何

從洗腥穢潛潛淮水流清湘

飛龍洞

杜陵祠前日忽夕半天晦晦如鐵積互雲委地走金蛇
崩石激波兩霹靂角鬣撐披疑有物夜半星河仍寥寂
詰朝片帆落蒼厓陰陰古穴濕莓苔迺知昨暮龍飛去
洞門無主重重開主人亂把青藜杖榮光顛顛皆奔迴
老龍何年自洗髓鵬鷖膏流滿洞裏象笏巨挺排霜衙
鯨牙長劇森雪壘秋濤高從天幕翻冰綃遙漾風檣起
月娥窺人羞半掩銀轡出地驚復止姑射仙子定相過
經臺蓮座爭紛羅百圍華表玉晶瑩十尋羽葆粉婆娑
忽然容光引天竇蝙蝠驅人撲衣袖出戶惘惘發三歎

野鶯笙簧花錦繡龍兮龍兮汝何功竇地琳宮帝汝封
卷舒一任天淵判呼吸還須閭闔通西戎蠢爾不修貢
封狐妖鳥私相關警備秦關尚未撤輓輸楚服亦勞送
汝莫徒作絳霄游努力當堪霖雨用藉汝為我挽天河
淨洗甲兵始歸洞

太和雞

太和雞何其肥此豈秋風黍熟時銅盤溢出黃金膏霜
刀亂落白玉肌賓客動色嗟香輦主人勅厨丁好為一
一籍記留取充吾私我家亦有矮脚種曠色沙鳴骨相

冷胡為登庖味澀梗定非族類異鄉井厨丁前睚盱言
或官雞飼養殊里媪卵菀伴樓居斟酌飽以流匙餘鴈
鴻梁費百廛禾鸚鵡粒銷二頃租我聞心惻惻貧家責
雞果不直飢啄豕牢殘渴飲牛涔側祝氏老翁罕一呼
淮南丹粒胡由得墻下糞土溝中泥苦爬虫蟻食其力
不曾盜我倉間一稊米尚忍霍之索枯肋貧家雞不足
食

嚴陵釣臺

昨夜雷雨起龍湫金電旋掣黑雲毬我來江風為我秋

披榛直坐釣臺頭三百丈深竿何投任公一餌下百牛
所得之魚定吞舟山東男子披羊裘桐江今日洗巖幽
公靈在世如泉流隨地有莫拘方求人生遂志即勲猷
從來大德固無儔吁嗟夸毘競通侯一絲九鼎非私謳
末季節義端誰由權公詞耀珊瑚鉤即此已為故人酬
山巍巍兮水悠悠天清日朗散我愁

阻風後行舟

貧家肉乃香宦家裘不煖天上白玉盤安得夜夜滿下
臨碧澗深無地上瞰摩天矗翠巘東來掛歸篷三日面

三美堂集 卷三
東風波頭簸几案浪花碎簾櫳岸上青山推不去卧聞
舟子洗船聲雷輪拽轉天吳舞靈吹滿旗位當午龍團
方盡一花磁已報郵籤百里許楊花如烟衝柁飛意得
身輕長毛羽固知伸屈相翕張今日歡生昨日苦

題表貞編

天地初闢百度新赤曜燭照無幽昏當年寡鶴委荒翳
啼烏夜夜向九閻誰知曠典光復後普天血淚洗
王綸中天巍巍高祠宇農曹不敢惜萬緡春秋霜露嚴
祀事拄撐肥脂把蘭蓀榮名雖非死者意聖猷扶義正

珍堂中丞去年過訪以紫薇花歌見贈依韻賦寄
今年紅薇拗時令麗質偏與秋風競一枝兩枝破祥烟
忽然朱鳥來醜正五月六月旱魃驕勒轉猩紅成寂靜
搥門排闥看花人低顏懊對妝臺靚去年人面想丹渥
惆悵桃花不相暎已臨金候斗建申露彩雲峯空吟詠
誰知夜氣起滃濛一雨焦枯出明淨蓓蕾寶珠萬顆圓

蓄銳截流能造命柿院輝搖火傘詩楓亭晃發霞漿興
每從蹇躓得所使我願與子葆真性天高氣肅敞茅齋
幸逃燹怒炎光迸乃知伸屈各有宜休將久遠區忠佞
籬邊早菊霜前桂取次貞香肩相並社燕吟蛩未忍負
耐得涼飈尤可敬春花不與歲寒期滿眼謹譁戒繁盛

黃山快遊圖歌贈汪胥原並簡穎谷

汪君圖我黃山游直跨玉鸞鳴啾啾平生落落不相見
天與東陽為蹇修歸舟乘夜過草堂解裝展軸絳蠟光
長得卧遊足感激又况千秋置我萬仞之名岡上欲無

天下無地盤紆萬疊騁筆勢形雖蔽虧路可通鳥穿猿
掛入雲際叢刺石上太古松高不逾丈成禿翁飛梁絕
澗臨四座天紳雪蚪洗雙瞳前後千林碧玉削空翠紛
來撲簾櫳恨君未同上丹磴恍若攜手蓮華峰驚問何
能爾作者非畫史兩騎黃鶴躡天都直追所見固如此
就中本領進乎道連屋牙籤恣探討寶會樓中漱芳潤
餘事丹青豁懷抱我聞三歎息近來六法少心得同描
時樣元四家幀幀一律無鮮華君目信賈胡披鍊百寶
無一差汪君獨開荆關面一振希聲掃箏琶高髻細腰

三美堂集 卷三
誤人世要須盡滌俗垢養靈芽嗚呼盡滌俗垢養靈芽
萬事總出書卷嘉

朱海行

雍正三年六月半朱家海子水平岸星火一勺試可撲
司事乘夜正荒宴河決一百四十丈貧弱男婦死鹵莽
可憐 天子不知誰覈數豈止萬家田廬隨漂蕩君不
見邵陽人民誤死兵賊臣隱匿八百名赫然之怒屢按
問一一賜卹合邑且免徵此地死者自安命獨詫生者
重不幸當事愛惜大農錢抑配橐結萬牛送哀哉牛乃

農之天匍匐凍餓哭霜田虎胥鷹役忍不顧驅迫留索
巧萬千薪蘇踴貴不可說高門白日突無烟歲宴堵築
合龍口向夜流漸埽復走蟻附夫役隨斷綆水面紅燈
甫脫手平時腰鼓燥春雷相逢面面如死灰擬向犁鋤
事東作定看溝壑轉飢羸中牟武陟決後河身高今年
例較水實尺寸不滿槽朱海已下高增倍况復搜刮各
工儲料無秋毫杞人之憂非一端洪澤洪流逾半年淤
填淮泗何以容淮揚一髮千鈞懸苦憶園林動春事柳
暗花明成錦綺去年柳陌看花人轉眼潛寐泥沙底滄

三美堂集 卷三
桑陵谷在達官咫尺君門信萬里

題汪弘瑞所藏雪山圖

黃山汪子拭朽絹閃出玉岑驚天半是時七月尚炎暉
斗然冰雪生當面怪松不見老蛟舞傑閣堵牕納銀旬
鞭策不前襄陽騎凍漸如拽子猷牽平生孤僻愛高寒
何處瑤林矗千片往年策杖上天都森爽秋光踏零亂
木蘭仙葩雖已過奇峰不絕雲湧見霞堆繡錯巖谷間
豈異春莫羅葱蒨唯思冬景悄絕境飛瓊振縞迴風扇
危登始信望後海攢螺天女琪花散憶得茲遊神所予

陰晴相我莽巧變

文殊院雨煉丹臺風勢皆暴烈臨行倏止

尤奇默丐小硯

屏洞天掌握出江岸高僅滿寸長一倍橫嶺側峯帶古
澗象牙肌理柴窰色月窟雲竇窺星漢南唐寶晉秀氣
輸壺中九華粗材看年年伏臘奠藻蘋敢忘微誠報幽
贊汪君素非塵外人胡然倏此冷光薦留之經年不遣
還似有夙生緣業戀乃悟神潛驅部民藉償遊逋竒一
段

雲外仙風生鶴業
 巖心靜竹散龍鱗
 倚丹臺對鏡
 一
 掃玉蕊素非塵
 夜入財然對此
 夜長萬籟之
 盈平不
 靜室中
 心華時
 林香
 手手
 林飄
 真病
 海難
 忘燃
 燈
 靜
 臨泉
 衣眼
 點
 紫
 雲
 色
 尺
 窗
 雲
 實
 寂
 冥
 幽
 天
 寧
 鉢
 出
 心
 紫
 高
 對
 幽
 寸
 身
 一
 宮
 對
 高
 閣
 寧
 帶
 玉
 酒
 醉
 吟
 香
 已
 變
 枝
 影
 暮
 照
 湖
 石
 對
 山
 人
 音
 想
 西
 水
 風

